



御選明詩卷第五十五目錄

五言律詩六

徐禎卿十六首

邊貢七首

康海六首

王九思八首

王廷相五首

朱應登九首

顧璘九首

陳沂二首

王韋六首

田汝赫二首

左國璣四首

孫一元二十五首

鄭善夫二首

景暘一首

王崇慶五首

唐龍四首

毛伯溫一首

周金一首

潘鑑二首

歐陽鐸一首

韓邦靖三首

戴冠四首

胡纘宗二首

錢琦一首

凌楷一首

吳山一首

楊慎十八首

費家五首

汪必東一首

齊之鸞三首

周廷用一首

孫繼芳一首

李際元一首

盧雍一首

南大吉二首

常倫三首

頓銳二首

王溱一首

蔡昂一首

劉儲秀一首

簡霄一首

陸杰一首

吳鎧一首

林大輅一首

林炫二首

桑溥一首

李濂三首

蔣山卿五首


薛蕙二十三首

顧璘五首

劉天民一首

林春澤二首

戴欽一首



御選明詩卷第五十五

五言律詩六

徐禎卿

登支硎山樓遲遊侶

谷寺憐幽密，茲樓表麗觀。  
烟雲連壑動，竹樹入門寒。  
獨往迷前徑，憑高遲所歡。  
時聞清磬遙，出暮林端。

送許補之還丹徒

憐君揮手去，匹馬向南天。  
旅病青山外，鄉心落日懸。  
燕關變積雪，淮柳動新煙。  
驛路重雲裏，相思易隔年。

駕出南郊退簡邊喬二太常

齋殿鑾輿下，郊宮鳳野開。  
霜戈迎日動，芝蓋拂雲來。  
輦

道前旌直鉤陳翼騎廻甘泉枚朔侍詞賦接仙才

秋日懷李郎中及邊熊二子

秋興因高賦雄才憶省郎山川思不極雲樹莽蔥蒼對  
酒知時變看花感別長如何霜後雁猶未達瀟湘

月

故園今夜月迢遞向人明只自懸清漢那知隔鳳城氣  
兼風露發光逼曙烏驚何事江山外能催白髮生

彭蠡

茫茫彭蠡口隱隱鄱陽岑地涌三辰動江連九派深揚  
舩武昌客發興豫章吟不見垂綸叟煙波空我心

在武昌作

洞庭葉未下瀟湘秋欲生  
高齋今夜雨獨卧武昌城  
重以桑梓念淒其江漢情  
不知天外雁何事樂南征

吳舍人園亭

新年風景地休沐竹林人  
魚藻含泉動楊園聽鳥新  
夕陰連九陌喬木俯千鄰  
虛負高陽興多慙酩酊身

過梨雲精舍

遠師耽晏寂趺坐石牀深  
留客開香積談玄就竹林  
烟藤結暝翠雲磬下空音  
淨現青蓮色懸知出世心

月

落日桃源口迢迢望楚邦  
烟霏靜夜色棹響繞空江  
看月生西浦穿雲度北窓  
高樓有羈羽照影不成雙

逢錢水部

仙侶維舟處蘆花曉浪生疎煙過柳色細雨出鶯聲邈  
我冥心契重君攜手情蕭條尊酒盡芳草又孤征

贈羅浮山人

聞有羅浮客臨流眠白雲海峯帆外接江影樹中分蘿  
戶春常閉林香晝自焚月明巖畔石遙禮大茅君

酬東卿留別

別意涼風發開尊細雨寒王程逢楚盡明月渡淮看歸  
客詢松菊騷人憶蕊蘭詩名吾不及江漢一南冠

途次

洪津春渺渺落日水沄沄路合原前樹舟移沙上雲芳

蘋淨渚色緗帙對鷗羣坐覺海潮滿煙波愁向君

秋日懷李郎中及邊廷實

昨日逢京使聞渠再轉郎未妨文字癖祇益簿書忙退  
食遲官旭鳴鐘候省堂祇應騎瘦馬緩轡漫成章

送友

送子胡爲別南中建節行江虛星斗動月落海潮平蘭  
杜通幽夢風煙接去程懸知有高興留滯岳陽城

邊貢

送都玄敬

才高憐晚達十載尚爲郎書買黃金盡愁生白髮長夏  
曹分武庫秋殿別文昌木脫霜臯冷何人共采芳

驅馬別君處秋陰當暮生林柯無靜葉江雁有歸聲綠  
水閨門道青山建業城未能同理楫延佇獨含情

春日卧病寄劉希尹王孟宣

老病東山客青春意颯然祇因愁不去翻與醉相牽草  
檄懷公幹登樓憶仲宣幾時蓮葉裏重放北湖船

泛湖

此日秋風起移舟向浦烟客心隨地遠人語隔花傳古  
寺疎林外孤亭落照前十年塵土夢回首一茫然

趙麗卿豸史座留別限韻

聽雨罷彈碁蒼茫生遠思遙應白門柳飄蕩綠烟絲旅  
跡江花笑歸心海燕知倚酣方戀別休誦渭城詩

出郭將訪希準郡伯懼暮而返却寄

駕言江口出却至水西還遠道空回首重門欲上關斷  
雲低白雁斜日近青山欲採瑤華贈仙舟不可攀

和荅胡可泉郡伯

籍籍胡安慶新聲滿舊都詎知金馬客翻領玉麟符退  
食還經史登樓即畫圖昔賢憂樂地元只在江湖

康海

許西夜歸

暝色暗川原籃輿返賁園野花迎夕露新月照秋軒醉  
覺綸巾岸吟憐鳥語喧怱怱百年裏佳節幾扳援

二月十一日同德充弟憩許西觀杏花因共小

酌

出郭望精舍滿牆皆杏花香風當戶合艷影入林斜日  
暖煙生玉春晴錦映霞興來呼酒坐不必問年華

陂頭

回首雙流細森疎萬木長遶溪蒲粉落夾路稻花香所  
向皆殊絕平看却渺茫幾時同鄴叟伐竹構茅堂

江景

昔經涑湖水今憶武昌遊萬艇雲中下三江天際流漁  
歌蓮葉浦雁度夕陽樓應笑浮名客勞勞何日休

對客

絲竹憐吾嬾尊壘待汝來片雲霄漢沒叢菊小籬開積

雨難相過當歌莫謾迴請看秋草色黃滿建章臺

鹿苑懷太微

鹿苑何王殿明時尚賜秦芳林春礙日幽草晝眠磨  
畎畝餘生計乾坤信此身西京誰欲賦韋曲有詞人

王九思

夏日樓居漫興

一榻高樓上蕭然野興存雀喧鄰樹晚雨暗寺鐘昏  
問字兒能讀耽詩客共論吾生真可樂俯仰任乾坤  
世泰容吾拙官閒似隱居苦吟遲得句倦讀卧看書  
山色憑闌外花香退食餘老親身更健千里寄雙魚

秋夜

園亭堪避暑棲息忽經旬雨挾秋風至涼生夜氣新  
綈猶戀枕蟋蟀漸依人容易悲搖落天涯舊逐臣

獨坐

花林春晝寂獨坐意蕭然園蝶浮暄景山禽下暝烟  
白頭慵拭鏡濁酒不論錢自酌邀明月徘徊益可憐

晨起

晨起臨芳苑閒行玩物華社期來燕子春色到梨花  
地僻柴扉靜亭深草徑斜桃源那復見今見楚人家

晴起

旭照浮虛牖清愁破老顏下牀梳白髮開戶見青山  
心已寒鷗足身如野鶴閒杖藜尋舊侶同過碧溪灣